



Broj: 02-05-24155-7/18
Sarajevo, 07.06.2018. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 – novi prečišćeni tekst i 37/14-ispravka), Vlada Kantona Sarajevo na **129.** sjednici održanoj **07.06.2018.** godine, donijela je sljedeći

Z A K L J U Č A K

1. Utvrđuje se Prijedlog odluke o usklađivanju statusa Kantonalnog javnog preduzeća "Veterinarska stanica" d.o.o. Sarajevo.
2. Predlaže se Skupštini Kantona Sarajevo da pretrese Prijedlog odluke iz tačke 1. ovog Zaključka, u skladu sa čl. 117. i 119.. Poslovnika Skupštine Kantona Sarajevo – Drugi novi prečišćeni tekst ("Službene novine Kantona Sarajevo", broj 41/12).

P R E M I J E R

Adem Zolj, Mr.dipl.ing.saob.

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo privrede 2x
5. Evidencija
6. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 18. tačka b) Ustava Kantona Sarajevo („Službene novine Kantona Sarajevo“, broj: 1/96,2/96 – Ispravka, 3/96 – Ispravka, 16/97, 14/00, 4/01, 28/04, 6/13 i 31/17), čl. 2. i 3. Zakona o javnim preduzećima u Federaciji Bosne i Hercegovine („Službene novine Federacije Bosne i Hercegovine“, broj: 8/05, 81/08,22/09 i 109/12), člana 372. Zakona o privrednim društvima („Službene novine Federacije BiH“, broj: 81/15) i Odlukom o klasifikaciji djelatnosti Bosne i Hercegovine 2010 („Službeni glasnik Bosne i Hercegovine“, broj: 47/10), Skupština Kantona Sarajevo na sjednici održanoj _____ donijela je

O D L U K U

O USKLAĐIVANJU STATUSA KANTONALNOG JAVNOG PREDUZEĆA "VETERINARSKA STANICA" d.o.o. SARAJEVO

I OSNOVNE ODREDBE

Član 1.

(Predmet Odluke)

Ovom odlukom Osnivač Kanton Sarajevo, ulica Reisa Džemaludina Čauševića broj 1. Sarajevo (u daljem tekstu: Osnivač) usklađuje oblik, firmu, osnovni kapital, način upravljanja, djelatnost i statut Kantonalnog javnog preduzeća „Veterinarska stanica“ d.o.o. Sarajevo sa Zakonom o javnim preduzećima u Federaciji Bosne i Hercegovine, Zakonom o privrednim društvima, Zakonom o upravljanju privrednim društvima u nadležnosti Kantona Sarajevo, Zakonom o vanjskotrgovinskom poslovanju i Odlukom o klasifikaciji djelatnosti Bosne i Hercegovine 2010.

Član 2.

(Organizacioni oblik preduzeća)

Kantonalno javno preduzeće „Veterinarska stanica“ d.o.o. Sarajevo (u daljem tekstu: Preduzeće), djelovat će kao društvo sa ograničenom odgovornošću.

Član 3.

(Pravni sljednik)

Preduzeće je pravni sljednik Kantonalnog javnog preduzeća „Veterinarska stanica“ d.o.o. Sarajevo registrovanog Rješenjem Kantonalnog suda u Sarajevu broj: UF/I-3657/97 od 15.12.1997. godine; UF/I-202/04 od 04.03.2004. godine i ima svojstvo pravnog lica sa pravnom i poslovnom sposobnošću.

Član 4.

(Imovina i sredstva preduzeća)

Sva imovina i sredstva u Preduzeću su vlasništvo Osnivača Kantona Sarajevo.

II FIRMA I SJEDIŠTE PREDUZEĆA

Član 5. **(Firma preduzeća)**

- (1) Preduzeće posluje pod firmom:
Kantonalno javno preduzeće "Veterinarska stanica" d.o.o. Sarajevo.
- (2) Skraćeni naziv:
KJP „Veterinarska stanica“ d.o.o. Sarajevo.

Član 6. **(Sjedište preduzeća)**

Sjedište Preduzeća je u Sarajevu, ulica Nikole Šopa broj 41.

Član 7. **(Pečati preduzeća)**

- (1) Preduzeće ima pečat okruglog oblika u kome je ispisan puni naziv firme, koji služi za ovjeru poslovne korespondencije i štambilj četvrtastog oblika, koji sadrži puni naziv firme, a služi za ovjeru podnesaka (akata).
- (2) Podružnica ima svoj pečat okruglog oblika u kojem je ispisan puni naziv firma i naznaku da se radi o podružnici, a služi za ovjeru poslovne korespondencije i štambilj četvrtastog oblika, koji sadrži puni naziv firme, a služi za ovjeru podnesaka (akata).
- (3) Vrsta pečata i štambilja, te način čuvanja utvrdit će se općim aktom koji donosi uprava Preduzeća.

III DJELATNOST PREDUZEĆA

Član 8. **(Djelatnost preduzeća)**

Djelatnosti Preduzeća u unutrašnjem prometu su upisane u registar Općinskog suda u Sarajevu, i uskladene su sa Odlukom o klasifikaciji djelatnosti Bosne i Hercegovine 2010 ("Službeni glasnik Bosne i Hercegovine", broj 47/10) i to kako slijedi:

Vrši uvoz i izvoz, promet na veliko i malo veterinarskih lijekova, vakcina, seruma i dijagnostičkog materijala, veterinarske, medicinske opreme i instrumenata u skladu sa Zakonom o lijekovima koji se upotrebljavaju u veterinarstvu ("Službene novine Federacije Bosne i Hercegovine" broj 15/98)

Sredstava za dezinfekciju, dezinfekciju i deratizaciju i radiološku dekontaminaciju opreme i sredstava za unapređenje stočarstva, stočne hrane i dodataka stočnoj hrani, aditiva živih životinja i jajnih ćelija, sredstava i opreme za kućne ljubimce, egzotiku i akvaristiku;

Obavlja propisane veterinarsko-zdravstvene preglede živih životinja namjenjenih za klanje, pregled mesa i organa zaklanih životinja, namirnica životinjskog porijekla u unutrasnjem prometu, proizvodnji i skladištenju;

- 01.41 Uzgoj muznih krava;
- 01.42 Uzgoj ostalih goveda i bivola;
- 01.43 Uzgoj konja, magaraca, mula i mazgi;
- 01.44 Uzgoj deva i lama;
- 01.45 Uzgoj ovaca i koza;
- 01.47 Uzgoj peradi;
- 01.49 Uzgoj ostalih životinja;
- 01.62 Pomoćne djelatnosti za uzgoj životinja;
- 38.22 Obrada i zbrinjavanje opasnog otpada;
- 46.21 Trgovina na veliko žitaricama, sirovim duhanom, sjemenjem i hranom za životinje;
- 46.23 Trgovina na veliko živim životinjama;
- 46.31 Trgovina na veliko voćem i povrćem;
- 46.38 Trgovina na veliko ostalom hranom, uključujući ribe, ljuskare i mekušce;
- 46.44 Trgovina na veliko porculanom, proizvodima od stakla i sredstvima za čišćenje;
- 46.49 Trgovina na veliko ostalim proizvodima za domaćinstvo;
- 46.73 Trgovina na veliko drvom, građevinskim materijalom i sanitarnom opremom;
- 47.74 Trgovina na malo medicinskim pripravcima i ortopedskim pomagalima u specijaliziranim prodavaonicama;
- 47.75 Trgovina na malo kozmetičkim i toaletnim proizvodima u specijaliziranim prodavnicama;
- 47.76 Trgovina na malo cvijećem, sadnicama, sjemenjem, gnojivom, kućnim ljubimcima i hranom za kućne ljubimce u specijaliziranim prodavaonicama;
- 71.20 Tehničko ispitivanje i analiza;
- 75.00 Veterinarske djelatnosti;
- 81.21 Osnovno čišćenje zgrada;
- 81.22 Ostale djelatnosti čišćenja zgrada i objekata;
- 81.29 Ostale djelatnosti čišćenja;
- 84.12 Reguliranje djelatnosti javnih subjekata koji pružaju zdravstvenu zaštitu, usluge u obrazovanju i kulturi i druge društvene usluge, osim obaveznog socijalnog osiguranja i
- 96.09 Ostale lične uslužne djelatnosti d.n..

Član 9.
(Vanjskotrgovinsko poslovanje)

Preduzeće obavlja sljedeće djelatnosti u vanjskotrgovinskom poslovanju:

- a) trgovina iz okvira registrovane djelatnosti i
- b) usluge iz okvira registrovane djelatnosti.

Član 10.
(Obavljanje drugih djelatnosti)

- (1) Preduzeće može obavljati poslove samo u okviru djelatnosti upisane u sudske registre.
- (2) Preduzeće može obavljati i druge poslove koji se uobičajeno obavljaju uz djelatnosti upisane u sudske registre, u obimu i na način koji su potrebni za poslovanje, a ne predstavljaju obavljanje tih poslova kao redovne djelatnosti.

IV IZNOS OSNOVNOG KAPITALA PREDUZEĆA

Član 11.
(Osnovni kapital preduzeća)

- (1) Osnivač je za rad Preduzeća obezbjedio novčana sredstva u iznosu od 10.000,00 KM (slovima: desethiljada konvertibilnih maraka) u novcu, što predstavlja 100% udjela i čini osnovni kapital Preduzeća.
- (2) Osnovni iznos kapitala se ne može smanjivati ispod iznosa od 1.000,00 KM (slovima: hiljadu konvertibilnih maraka) utvrđenog članom 307. stav (1) Zakonom o privrednim društvima ("Službene novine Federacije BiH", broj 81/15).
- (3) Osnivač može u toku poslovne godine povećati vrijednost osnovnog kapitala Preduzeća novim ulaganjem.

Član 12.
(Povećanje i smanjenje kapitala)

- (1) Povećanje i smanjenje osnovnog kapitala vrši se na prijedlog Skupštine Preduzeća, a o istom odluku donosi Skupština Kantona Sarajevo.
- (2) Preduzeće može formirati statutarne rezerve.
- (3) Statutarne rezerve se formiraju iz dobiti i drugih izvora u skladu sa važećim propisima, a može se koristiti za pokriće gubitka i drugih nepredviđenih troškova u poslovanju na osnovu odluke Skupštine Preduzeća.

Član 13.
(Sredstva preduzeća)

Sredstva Preduzeća u toku poslovanja čine stvari, prava i novac.

V PRAVA, OBAVEZE I ODGOVORNOSTI U PRAVNOM PROMETU

Član 14. **(Prava, obaveze i odgovornosti preduzeća)**

- (1) Sredstva Preduzeća su u pravnom prometu.
- (2) Preduzeće u pravnom prometu zaključuje ugovore i sporazume i vrši druge pravne poslove i radnje u okviru svoje pravne sposobnosti.

Član 15. **(Odgovornost preduzeća za svoje obaveze)**

- (1) Preduzeće odgovara za svoje obaveze cijelokupnom imovinom Osnivača, koja mu je data na korištenje, osim prirodnih bogatstava i dobara u općoj upotrebi.
- (2) Preduzeće odgovara i za obaveze drugih društava preuzetih ugovorom.

VI ORGANI PREDUZEĆA

Član 16. **(Organi preduzeća)**

Organi Preduzeća su:

- a) Skupština Preduzeća;
- b) Nadzorni odbor Preduzeća;
- c) Uprava Preduzeća (Menadžment), kao organi upravljanja i
- d) Odbor za reviziju.

Član 17. **(Imenovanje članova Skupštine preduzeća)**

Prilikom imenovanja članova Skupštine Preduzeća, osnivač – Skupština Kantona Sarajevo je dužna voditi računa da budu imenovani istaknuti stručnjaci iz istih ili sličnih djelatnosti kojima se bavi Preduzeće.

VI.1. Skupština Preduzeća

Član 18. **(Skupština preduzeća – broj članova i mandat)**

- (1) Preduzeće ima Skupštinu koja se sastoji od predsjednika i dva člana.
- (2) Mandat članova Skupštine Preduzeća traje dvije godine.

Član 19.
(Imenovanje i razrješenje)

(1) Imenovanje i razrješenje predsjednika i članova Skupštine Preduzeća vrši se na način da iste na prijedlog Ministarstva privrede Kantona Sarajevo, uz saglasnost Vlade Kantona Sarajevo, potvrđuje Skupština Kantona Sarajevo.

(2) Proceduru imenovanja predsjednika i članova Skupštine Preduzeća provodi Ministarstvo privrede Kantona Sarajevo u skladu sa Zakonom o ministarskim, vladinim i drugim imenovanjima Federacije Bosne i Hercegovine (“Službene novine Federacije BiH”, br. 12/03, 34/03 i 65/13).

Član 20.
(Naknada)

Predsjednik i članovi Skupštine Preduzeća imaju pravo na naknadu za svoj rad u skladu sa Zakonom o plaćama i naknadama članova organa upravljanja i drugih organa, institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“, broj 10/16).

Član 21.
(Izvještaj o radu)

Organi Preduzeća podnose izvještaj o radu Preduzeća putem Vlade Kantona Sarajevo, Skupštini Kantona Sarajevo, kao Osnivaču.

Član 22.
(Nadležnosti)

(1) Skupština Preduzeća je nadležna da odlučuje o:

- a) usvajanju godišnjeg izvještaja o poslovanju Preduzeća koji uključuje finansijski izvještaj i izvještaj revizora, Nadzornog odbora Preduzeća i Odbora za reviziju Preduzeća;
- b) rasporedu dobiti;
- c) načinu pokrića gubitka;
- d) kupovini, prodaji, zamjeni ili davanju u lizing, uzimanju ili davanju kredita i drugim transakcijama imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti imovine Preduzeća po bilansu stanja na kraju prethodne godine, na prijedlog Uprave i Nadzornog odbora Preduzeća;
- e) izboru i razrješenju članova Nadzornog odbora Preduzeća pojedinačno;
- f) naknadama članova Nadzornog odbora Preduzeća i Odbora za reviziju Preduzeća;
- g) izboru vanjskog revizora;
- h) izboru i razrješenju članova Odbora za reviziju Preduzeća;
- i) statutu i izmjenama i dopunama odredaba Statuta Preduzeća, kao i o drugim pitanjima o kojima u skladu sa zakonom ili statutom Preduzeća Skupština donosi posebne odluke čiji pravni učinak uključuje izmjenu odgovarajućih odredbi Statuta preduzeća;
- j) izuzimanju stalnih sredstava Preduzeća;

- k) Etičkom kodeksu Preduzeća na prijedlog Nadzornog odbora Preduzeća;
- l) Poslovniku Skupštine Preduzeća, Nadzornog odbora Preduzeća i Odbora za reviziju Preduzeća na prijedlog Nadzornog odbora Preduzeća;
- m) Planu poslovanja, odnosno Revidiranom planu poslovanja u skladu sa članom 23. Zakona o javnim preduzećima u Federaciji Bosne i Hercegovine;
- n) ostvarivanju zahtjeva Preduzeća prema članovima Uprave Preduzeća i Nadzornog odbora Preduzeća u vezi sa naknadom štete nastale pri osnivanju, kupovini ili vođenju poslovanja Preduzeća;
- o) zastupanju Preduzeća u sudskim postupcima koji se vode protiv članova Uprave Preduzeća ili eventualnim postupcima protiv članova drugih organa Preduzeća;
- p) osnivanju podružnica uz prethodnu saglasnost Osnivača i
- r) drugim pitanjima bitnim za poslovanje Preduzeća u skladu sa zakonom i statutom Preduzeća.

- (2) Skupština Preduzeća predlaže Skupštini Kantona Sarajevo – Osnivaču donošenje sljedećih odluka o:
 - a) povećanju i smanjenju osnovnog kapitala Preduzeća;
 - b) spajanju sa drugim društvima i pripajanju drugih društava Preduzeću ili Preduzeća drugom društvu;
 - c) promjeni oblika i podjeli Preduzeća;
 - d) prestanku Preduzeća sa provodenjem likvidacije i o odobravanju početnog likvidacionog bilansa i završnog računa po okončanju postupka likvidacije i
 - e) osnivanju, reorganizaciji i likvidaciji supsidijarnih društava i odobravanju njihovih statuta.

VI. 2. Nadzorni odbor Preduzeća

Član 23. (Nadzorni odbor)

- (1) Preduće ima Nadzorni odbor koja se sastoji od predsjednika i dva člana, koje imenuje Skupština Preduzeća.
- (2) Članovi Nadzornog odbora Preduzeća imenuju se istovremeno na period od četiri godine, s tim da po isteku perioda od dvije godine od dana imenovanja Skupština Preduzeća glasa o povjerenu članovima Nadzornog odbora Preduzeća.
- (3) Isto lice može biti imenovano za člana Nadzornog odbora Preduzeća više puta bez ograničenja.
- (4) Postupak imenovanja i razrješenja članova Nadzornog odbora Preduzeća uređuje se Zakonom o privrednim društvima, Zakonom o javnim preduzećima u Federaciji Bosne i Hercegovine i drugim relevantnim propisima.
- (5) Za Predsjednika i članove Nadzornog odbora ne može biti imenovano lice iz člana 248. Zakona o privrednim društvima.

Član 24.
(Osnov za imenovanje)

Prilikom imenovanja članova Nadzornog odbora Preduzeća, Skupština Preduzeća je dužna voditi računa da budu imenovani istaknuti stručnjaci iz istih ili sličnih djelatnosti kojima se bavi Preduzeće.

Član 25.
(Naknada)

Predsjednik i članovi Nadzornog odbora Preduzeća imaju pravo na naknadu za svoj rad u skladu sa Zakonom o plaćama i naknadama članova organa upravljanja i drugih organa, institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo (“Službene novine Kantona Sarajevo”, broj 10/16).

Član 26.
(Ugovor)

- (1) Predsjednik i članovi Nadzornog odbora Preduzeća zaključuju ugovor s Preduzećem koji odobrava Skupština Preduzeća.
- (2) Ugovor u ime Preduzeća potpisuje Direktor Preduzeća u skladu sa odobrenjem Skupštine Preduzeća.

Član 27.
(Razrješenje)

Skupština Preduzeća može razrješiti predsjednika i članove Nadzornog odbora Preduzeća i prije roka na koji su imenovani kad:

- a) Nadzorni odbor ili njegov član izgubi povjerenje Skupštine Preduzeća;
- b) Skupština Preduzeća odbije usvojiti godišnji izvještaj Preduzeća koji uključuje finansijski izvještaj i izvještaje revizora, Nadzornog odbora Preduzeća i Odbora za reviziju Preduzeća i
- c) kad u toku mandata Predsjednika ili člana Nadzornog odbora nastupe okolnosti iz člana 248. Zakona o privrednim društvima („Službene novine Federacije Bosne i Hercegovine“, broj: 81/15)

Član 28.
(Nadležnosti)

- (1) Nadzorni odbor Preduzeća nadležan je da :
 - a) priprema poslovnike i predlaže ih Skupštini Preduzeća;
 - b) priprema Etički kodeks i predlaže ga Skupštini Preduzeća;
 - c) vrši izbor kandidata Odbora za reviziju Preduzeća i podnosi prijedlog za imenovanje Skupštini Preduzeća;
 - d) razmatra provedbeni propis za postupak nabavke i nadzire njegovo provođenje;
 - e) daje mišljenje Skupštini Preduzeća o prijedlogu Uprave Preduzeća o rasporedu dobiti;

- f) daje ovlaštenje za aktivnosti koje su ograničene na osnovu odredbi Zakona o javnim preduzećima u Federaciji Bosni i Hercegovini;
- g) nadzire poslovanje Preduzeća; usvaja poslovne strategije društva i planove poslovanja;
- h) nadzire rad Uprave Preduzeća, te odobrava odluke strateškog karaktera;
- i) usvaja izvještaj Uprave Preduzeća o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije;
- j) podnosi Skupštini Preduzeća godišnji izvještaj o poslovanju Preduzeća koji obavezno uključuje finansijski izvještaj i izvještaje revizora, Nadzornog odbora Preduzeća i Odbora za reviziju Preduzeća;
- k) bira predsjednika Nadzornog odbora Preduzeća;
- l) bira, imenuje i razrješava Upravu Preduzeća;
- m) odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine Preduzeća po bilansu stanja na kraju prethodne godine;
- n) predlaže Skupštini Preduzeća kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine Preduzeća po bilansu stanja na kraju prethodne godine;
- o) obrazuje povremene komisije i utvrđuje njihov sastav i zadatke;
- p) saziva Skupštinu Preduzeća;
- r) redovno izvještava Skupštinu Preduzeća o svom radu;
- s) daje upute Upravi Preduzeća radi otklanjanja nepravilnosti u radu i
- t) vrši i druge poslove predviđene zakonom i Statutom Preduzeća.

(2) Nadzorni odbor ima obavezu i odgovornost osigurati:

- a) donošenje poslovnika kojim se utvrđuju operativni i funkcionalni aspekti rada Nadzornog odbora i Uprave u skladu sa Zakonom o javnim preduzećima u Federaciji Bosne i Hercegovine, te Zakonom o privrednim društvima, Statutom i Etičkim kodeksom,
- b) da je zakonitost poslovnika potvrđena od strane kvalificiranih nezavisnih pravnih savjetnika,
- c) da poslovniци sadrže detaljne odredbe o pravičnom postupku snjenjivanja za odgovorna lica koja su postupala nesavjesno i nepošteno ili su stupila u sukob interesa ili su osuđena zbog krivičnog djela ili novčano kažnjena u skladu sa kaznama utvrđenim zakonom,
- d) da Disciplinski pravilnik Preduzeća, te naprijed navedeni poslovniци sadrže odredbe o isključenju sa posla te zabranu da se takvo lice zaposli u trajanju od najmanje deset godina, uključujući i dužnost Uprave da za tu svrhu vodi adekvatne kadrovske evidencije,
- e) da se sjednice Nadzornog odbora održavaju najmanje jednom u dva mjeseca,
- f) da poslove iz ovog djelokruga Nadzorni odbor obavlja na sopstvenu inicijativu,
- g) izradu vjerodostojnih računovodstvenih evidencija i finansijskih iskaza sačinjenih u skladu sa Međunarodnim računovodstvenim standardima i Međunarodnim standardima revizije kako se predviđa na osnovu zakona koji reguliše računovodstvene i revizorske standarde u Federaciji Bosne i Hercegovine, iz kojih je vidljiv finansijski status Preduzeća, te koje se daju na uvid svim licima koja imaju legitiman interes u poslovanju Preduzeća.Nadzorni odbor neće delegirati ovu dužnost,
- h) Nadzorni odbor ima obavezu i odgovornost izraditi nacrt Etičkog kodeksa koji će sadržavati obavezujuće odredbe.Nadzorni odbor neće delegirati ovu dužnost i
- i) svako kršenje pravila Etičkog kodeksa predstavlja osnov za opoziv člana Nadzornog odbora.

VI.3 Uprava Preduzeća

Član 29. (Uprava)

- (1) Upravu Preduzeća čine direktor, dva Izvršna direktora i rukovodilac podružnice .
- (2) Uprava organizira rad i rukovodi poslovanjem, zastupa i predstavlja Preduzeće i odgovara za zakonitost poslovanja.
- (3) Postupak izbora, imenovanja, razrješenja, sastav i način odlučivanja Uprave preduzeća utvrđuje se Statutom Preduzeća, a na osnovu javnog konkursa otvorenim izborom tehnički najkvalifikovanih kandidata u skladu sa operativnim i poslovnim potrebama Preduzeća.
- (4) Mandat članova Uprave Preduzeća je četiri godine

Član 30. (Nadležnosti)

Djelokrug Uprave je:

- a) organizacija i vođenje poslova Preduzeća,zastupanje i predstavljanje Preduzeća;
- b) izvještavanje Nadzornog odbora Preduzeća na zahtjev istog;
- c) provedba Statuta i Etičkog kodeksa;
- d) izrada i nadgledanje realizacije planova poslovanja;
- e) izrada i provedba propisa za postupak javnih nabavki i provedba Zakona o javnim nabavkama Bosne i Hercegovine („Službeni glasnik Bosne i Hercegovine“, broj 39/14);
- f) priprema prijedloga o raspodjeli dobiti i pokriću gubitka;
- g) priprema prijedloga cijena proizvoda i usluga;
- h) predlaganje strategije i programa razvoja Preduzeća;
- i) pripremanje pojedinačnih odluka i njihovo izvršavanje kao i donošenje pojedinačnih akata koji nisu u nadležnosti Skupštine ili nekog drugog organa;
- j) zapošljavanje i otpuštanje radnika u skladu sa postupcima utvrđenim u pravilnicima te važećim zakonima;
- k) zastupanje Preduzeća prema trećim licima;
- l) staranje i odgovornost za zakonitost rada Preduzeća;
- m) distribucija i implementacija Etičkog kodeksa;
- n) obezbjeđenje postupanja svih odgovornih lica u skladu sa Etičkim kodeksom tako što će se protiv lica koja krše navedeni Kodeks provesti disciplinski postupak;
- o) delegiranje dužnosti iz tačke l) i m) uz prethodnu pismenu saglasnost Nadzornog odbora Preduzeća, ali ostaje odgovorna za realizaciju istih;
- p) nadležnost zaključivanja ugovora u ime Preduzeća i
- r) drugi poslovi neophodni za nesmetano odvijanje organizacije i vođenja poslovanja Preduzeća.,

Član 31.
(Ovlaštenje)

Direktor Preduzeća pisano ovlašćuje jednog od izvršnih direktora da ga zamjenjuje u slučaju spriječenosti i utvrđuje ovlaštenja.

Član 32.
(Plata)

Direktor, izvršni direktori i rukovodilac podružnice imaju pravo na plaću u skladu sa Zakonom o plaćama i naknadama članova organa upravljanja i drugih organa, institucija Kantona Sarajevo, kantonalnih preduzeća i javnih ustanova čiji je osnivač Kanton Sarajevo (“Službene novine Kantona Sarajevo”, broj 10/16).

Član 33.
(Potpis ugovora)

- (1) Direktor Preduzeća je ovlašten da u ime Preduzeća zaključuje ugovore i vrši druge pravne poslove i radnje, kao i da zastupa Preduzeće pred sudom i drugim organima.
- (2) Direktor Preduzeća podnosi prijavu za upis u sudske registre i poduzima sve druge radnje vezane za registraciju Preduzeća.

Član 34.
(Zastupanje)

Direktor Preduzeća zastupa i predstavlja Preduzeće u unutrašnjem i vanjskotrgovinskom prometu, bez ograničenja.

Član 35.
(Izvršni direktori)

- (1) Izvršni direktori i rukovodilac podružnice imenuju se u skladu sa članom 29. ove odluke, a njihov rad i ovlaštenja bit će propisana Statutom Preduzeća.
- (2) Izvršni direktori i rukovodilac podružnice u granicama svojih ovlaštenja su ograničeni u raspolaganju novčanim sredstvima Preduzeća do iznosa od 5.000,00 KM (slovima: pet hiljada konvertibilnih maraka).
- (3) Izvršni direktori i rukovodilac podružnice se upisuju u sudske registre sa ograničenjem iz stava (2) ovog člana.

VI.4 Odbor za reviziju

Član 36. (Odbor za reviziju)

- (1) U Preduzeću se formira Odbor za reviziju.
- (2) Odbor za reviziju Preduzeća ima tri člana.
- (3) Postupak izbora, imenovanja, razrješenja, sastav i način odlučivanja Odbora za reviziju Preduzeća utvrđuje se Statutom Preduzeća.

Član 37. (Naknada)

Predsjednik i članovi Odbora za reviziju Preduzeća imaju pravo na naknadu za svoj rad u skladu sa Zakonom o plaćama i naknadama članova organa upravljanja i drugih organa, institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo (“Službene novine Kantona Sarajevo”, broj 10/16).

Član 38. (Revizija polugodišnjeg i godišnjeg obračuna)

Odbor za reviziju je dužan izvršiti reviziju polugodišnjeg i godišnjeg obračuna i istovremeno kontrolu usklađenosti poslovanja Preduzeća i funkcioniranja organa Preduzeća u skladu sa Zakonom o privrednim društvima, drugim relevantnim propisima i osnovnim principima korporativnog upravljanja i o tome dostaviti izvještaj Skupštini Preduzeća i Nadzornom odboru Preduzeća najkasnije osam dana po okončanju revizije.

Član 39. (Ovlaštenja)

Član Odbora za reviziju Preduzeća ovlašten je zahtijevati sazivanje sjednice Skupštine i Nadzornog odbora Preduzeća kada smatra da su ugroženi interesи Osnivača ili utvrdi nepravilnosti u radu predsjednika ili članova Nadzornog odbora Preduzeća, Direktora ili članova Uprave Preduzeća.

Član 40. (Nadležnosti)

Pored dužnosti i ovlaštenja iz čl. 38. i 39. ove odluke, Odbor za reviziju Preduzeća dužan je :

- a) imenovati vanjskog revizora;
- b) imenovati Direktora odjela za internu reviziju na osnovu javnog konkursa za izbor tehnički najbolje kvalifikovanog kandidata, ukoliko Ured za reviziju institucija u Federaciji Bosne i Hercegovine nije upoznao Preduzeće sa svojom namjerom da izvrši imenovanje u roku od 30 dana od dana kada je Generalni revizor obaviješten o razrješenju lica na toj poziciji;

- c) razmotriti godišnju studiju rizika i plan revizije u kojima su prikazane pojedinosti u pogledu rizičnih područja i revizija koje će se izvršiti, te osigurati da prijavljena pitanja budu bez odlaganja i na odgovarajući način korigovana;
- d) razmotriti Strategiju rizika i plan revizije i postići sporazum sa Generalnim revizorom po pitanju obrade, isključivo u slučaju kada je Generalni revizor imenovao Direktora Odjela za internu reviziju Preduzeća;
- e) osigurati da Odjel za internu reviziju izvrši svoj posao u skladu sa planom revizije;
- f) osigurati da interne kontrole u Preduzeću budu adekvatne i da funkcioniraju kako je predviđeno;
- g) podnosi Nadzornom odboru Preduzeća sažete mjesecne izvještaje o svojim sastancima svakog mjeseca;
- h) konsultovati se sa Generalnim revizorom u pogledu nezavisne revizorske organizacije ili strukovne stručne grupe koja vrši stručno unutrašnje strukovno ocjenjivanje Odjela za internu reviziju svake dvije do tri godine i
- i) osigurati da Odjel za internu reviziju obavlja svoje obaveze u skladu sa međunarodnim revizorskim standardima.

VII UNUTRAŠNJA ORGANIZACIJA PREDUZEĆA

Član 41. (Unutrašnja organizacija preduzeća)

- (1) Preduzeće posluje kao jedinstveni pravni subjekt, a može imati i svoje podružnice koje će u pravnom prometu istupati u ime i za račun Preduzeća u granicama ovlaštenja koje dobije od Osnivača.
- (2) Odluku o osnivanju podružnica u okviru Preduzeća donosi Skupština preduzeća uz prethodno pribavljenu saglasnost Osnivača.

VIII USLOVI ZA OBAVLJANJE VANJSKOTRGOVINSKE DJELATNOSTI

Član 42. (Uslovi za obavljanje vanjskotrgovinske djelatnosti)

- (1) Preduzeće vanjskotrgovinsku djelatnost obavlja u skladu sa važećim propisima koji regulišu ovu oblast.
- (2) Preduzeće je posebno dužno da u vanjskotrgovinskom poslovanju vodi računa o zaštiti ugleda i interesa Bosne i Hercegovine.

IX PRAVA I OBAVEZE OSNIVAČA I RADNIKA

Član 43. (Prava i obaveze osnivača i radnika preduzeća)

- (1) Preduzećem upravlja Osnivač putem organa Preduzeća.

- (2) Prava i obaveze Skupštine u ime Osnivača vrši Skupština Preduzeća.
- (3) Radnici ostvaruju prava u skladu sa važećim zakonskim propisima, kolektivnim ugovorima i aktima Preduzeća.

X PLANIRANJE POSLOVANJA I RAZVOJA I POSLOVNE KNJIGE PREDUZEĆA

Član 44.

(Planiranje poslovanja)

- (1) Preduzeće planira svoje poslovanje i razvoj i odlučuje o vršenju, vrsti i sadržini planova poslovanja.
- (2) Preduzeće planiranje poslovanja i razvoja prilagođava ciljevima radi kojih je osnovano i uvjetima djelovanja zakonitosti.

Član 45.

(Trogodišnji plan poslovanja)

- (1) Preduzeće donosi trogodišnje planove poslovanja.
- (2) Preduzeće će usaglašavati trogodišnji plan poslovanja sa kretanjima uvjeta poslovanja, odnosno vršiti revidiranje trogodišnjeg plana na godišnjem nivou.

Član 46.

(Poslovne knjige)

- (1) O radu i poslovanju Preduzeća vode se poslovne knjige u skladu sa zakonom.
- (2) Preduzeće je dužno za svaku poslovnu godinu, u skladu sa zakonom sastaviti periodični obračun i završni račun odnosno bilans stanja i bilans uspjeha.

XI UTVRĐIVANJE I RASPOREĐIVANJE DOBITI

Član 47.

(Uvrđivanje prihoda, rashoda i rezultata poslovanja)

Utvrdjivanje prihoda, rashoda i rezultata poslovanja vrši se polugodišnjim i godišnjim obračunom u skladu sa zakonom.

Član 48.

(Dobit preduzeća)

- (1) Dobit koja ostaje Preduzeću predstavlja (neto) čistu dobit.
- (2) Neto dobit je finansijski rezultat poslovanja Preduzeća u toku poslovne godine, koja se dobije poslije odbitka svih troškova poslovanja i svih davanja po osnovu poreza i drugih finansijskih tereta.

Član 49.
(Raspoređivanje dobiti)

Skupština Preduzeća na kraju poslovne godine odlučuje o rasporedu dobiti u skladu sa zakonom.

Član 50.
(Gubitak preduzeća)

Ako Preduzeće u poslovanju po završnom računu iskaže gubitak, taj gubitak će se prvenstveno pokriti iz sredstava Preduzeća, koja se u skladu sa propisima mogu koristiti za pokrivanje gubitaka. Ukoliko se gubitak ne može pokriti iz sredstava Preduzeća pokreće se postupak u skladu sa zakonom.

XII OPĆI AKTI PREDUZEĆA

Član 51.
(Akti preduzeća)

- (1) Opći akti Preduzeća su Statut i drugi akti kojima se na opći način regulišu odnosi u Preduzeću.
- (2) Preduzeće je obavezno da u roku od 60 dana od dana donošenja ove Odluke doneše Statut Preduzeća.

XIII TRAJANJE I PRESTANAK PREDUZEĆA

Član 52.
(Trajanje i prestanak preduzeća)

- (1) Preduzeće je osnovano na neodređeno vrijeme i traje dok postoje ekonomski i zakonski uvjeti za njegovo postojanje.
- (2) Preduzeće prestaje:
 - a) odlukom Osnivača i
 - b) u slučajevima predviđenim zakonom.

XIV NAČIN IZMIRENJA TROŠKOVA USKLAĐIVANJA PREDUZEĆA I POSLJEDICE NEUSPJELOG USKLAĐIVANJA

Član 53.
(Troškovi usklađivanja i neuspjelog usklađivanja)

Troškove usklađivanja i neuspjelog usklađivanja snosi Preduzeće.

ž

XV PRELAZNE I ZAVRŠNE ODREDBE

Član 54.

(Primjena zakona)

(1) Na pitanja koja nisu regulisana odredbama ove odluke shodno se primjenjuju odredbe Zakona o javnim preduzećima u Federaciji Bosne i Hercegovine, Zakona o privrednim društvima, Zakona o upravljanju privrednim društvima u nadležnosti Kantona Sarajevo i Zakona o vanjskotrgovinskom poslovanju.

(2) Funkcije navedene u organima odnose se na oba pola.

Član 55.

(Prestanak važenja ranije odluke)

Stupanjem na snagu ove odluke prestaje da važi Odluka o usklađivanju statusa javnog preduzeća "Kantonalna veterinarska stanica Sarajevo" sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 30/05, 11/06, 13/08, 25/09, 22/11 i 3/12).

Član 56.

(Stupanje na snagu)

Ova odluka stupa na snagu danom objavljivanja u "Službenim novinama Kantona Sarajevo".

**PREDsjEDATELJICA SKUPŠTINE
KANTONA SARAJEVO**

Ana Babić

Broj: _____ /18

Datum: _____ 2018. godine

O B R A Z L O Ž E N J E

A – PRAVNI OSNOV

Pravni osnov za donošenje Prijedloga odluka o usklađivanju kantonalnog javnog preduzeća sadržan je u članu 18. stav (1) tačka (b) Ustava Kantona Sarajevo („Službene novine Kantona Sarajevo“, br. 1/96, 2/96 – Ispravka, 3/96 – Ispravka, 16/97, 14/00, 4/01, 28/04, 6/13 i 31/17), čl. 2. i 3. Zakona o javnim preduzećima u Federaciji Bosne i Hercegovine („Službene novine Federacije Bosne i Hercegovine“, broj: 8/05, 81/08, 22/09 i 109/12), članom 372. Zakona o privrednim društvima („Službene novine Federacije BiH“, broj: 81/15), Zakonom o upravljanju privrednim društvima u nadležnosti Kantona Sarajevo („Službene novine Kantona Sarajevo“, broj: 8/01), Zakonom o vanjskotrgovinskom poslovanju („Službene novine Federacije BiH“, broj: 2/95), Odlukom o klasifikaciji djelatnosti Bosne i Hercegovine („Službeni glasnik BiH“, broj: 47/10) i članom 117. i 119. Poslovnika Skupštine Kantona Sarajevo – Drugi novi prečišćeni tekst („Službene novine Kantona Sarajevo“, broj 41/12)

B – RAZLOZI ZA DONOŠENJE

Zakon o privrednim društvima objavljen je 21.10.2015. godine u “Službenim novinama Federacije Bosne i Hercegovine”, broj 81/15). U članu 374. Zakona propisano je da stupa na snagu narednog dana od dana objavljivanja, a počet će se primjenjivati nakon isteka roka od 60 dana od dana stupanja na snagu.

U članu 372. Zakona propisano je: “Sva privredna društva, uključujući i ona sa učešćem državnog kapitala u vlasničkoj strukturi, dužna su oblik, firmu, osnovni kapital i statut društva uskladiti sa ovim zakonom.

Zbog obima izmjena, koje se naročito odnose na rad organa upravljanja preduzećem, kao i zbog činjenice da svako od Kantonalnih javnih preduzeća iz nadležnosti Ministarstva privrede, u odnosu na osnovni tekst ima niz izmjena, ukazala se potreba da predlagač sačini Odluku kojim bi se ispoštovale zakonske odredbe, a istovremeno omogućilo lakše praćenje rada kantonalnih javnih preduzeća.

Prijedlog odluka o usklađivanju statusa Kantonalnog javnog preduzeća odnosi se na Kantonalno javno preduzeće "Veterinarska stanica" d.o.o. Sarajevo.

Ministarstvo privrede Kantona Sarajevo dostavilo je naprijed navedene Prijedloge odluka Uredu za zakonodavstvo Vlade Kantona Sarajevo, Ministarstvu finansija Kantona Sarajevo i Ministarstvu pravde i uprave Kantona Sarajevo, koji su dostavili sljedeća mišljenja :

Ministarstvo privrede Kantona Sarajevo dostavilo je naprijed navedeni Prijedlog odluke Ministarstvu pravde i uprave Kantona Sarajevo, Ministarstvu finansija Kantona Sarajevo, Pravobranilaštву Kantona Sarajevo i Uredu za zakonodavstvo.

1. Ministarstvo pravde i uprave Kantona Sarajevo je dostavilo Mišljenje broj: 03-06-02-21841/18 od 16.05.2018. godine.
2. Ministarstvo finansija Kantona Sarajevo je dostavilo Mišljenje broj: 08-01-02-21842/18 A.Š. od 16.05.2018. godine.
3. Ured za zakonodavstvo Vlade Kantona Sarajevo dostavilo je Mišljenje, broj: 09-02-21843/18 od 23.05.2018. godine.
4. Pravobranilaštvo Kantona Sarajevo nije dostavilo Mišljenje.

Dostavljena tri mišljenja nemaju primjedbi na tekst Odluke.

Postupajući po naprijed navedenim Mišljenjima dajemo sljedeće obrazloženje:

U Poglavlju I - Osnovne odredbe koji sadrži 4 člana , reguliše se predmet odluka, organizacioni oblik preduzeća – društvo sa ograničenom odgovornošću, pravni slijed, kao i imovina i sredstva preduzeća, koji su vlasništvo osnivača.

U Poglavlju II - Firma i sjedište preduzeća reguliše se članovima 5., 6., i 7 utvrđuje se naziv i skraćeni naziv preduzeća, sjedište preduzeća, pečat preduzeća.

U Poglavlju III - Djelatnosti preduzeća navedene su djelatnosti preduzeća u unutrašnjem i vanjskotrgovinskom prometu.

U Poglavlju IV - Iznos osnovnog kapitala preduzeća utvrđen je osnovni kapital preduzeća u iznosu od 10.000,00 KM.

Napomena: U odnosu na ranija zakonska rješenja iznos osnovnog kapitala se ne može smanjivati ispod iznosa od 1.000,00 KM.

U Poglavlju V - Prava, obaveze i odgovornosti u pravnom prometu u članu 14. i 15. se propisuje da su sredstva preduzeća u pravnom prometu, da preduzeće zaključuje ugovore i sporazume i vrši druge poslove i radnje, te da odgovara cijelokupnom imovinom Osnivača, koja mu je dana na korištenje, osim prirodnih bogatstava i dobara u općoj upotrebi.

U Poglavlju VI - Utvrđene su organi preduzeća i njihove nadležnosti, uz napomenu da su najznačajnije izmjene u Zakonu o privrednim društvima izvršene baš kod nadležnosti organa upravljanja preduzeća.

Kod Skupštine preduzeća koja broji 3 (tri) člana došlo je značajnih izmjena u okviru njihovih nadležnosti, jer su tačno razgraničene nadležnosti Skupština preduzeća i Osnivača.

Ono što bi posebno naglasili, a što je navedeno u Odluci, u skladu sa Zakonom o privrednim društvima (“Službene novine Federacije Bosne i Hercegovine”, broj 81/15) jeste nadležnost Skupštine preduzeća i Nadzornog odbora preduzeća. U članu 6. stav (1) Zakona o javnim preduzećima (“Službene novine Federacije Bosne i Hercegovine”, broj 8/05), propisano je: “ Pored odluka utvrđenih Zakonom o privrednim društvima, skupština donosi odluke i o sljedećem”, pa je navedeno koje odluke donosi. Ovo jasno ukazuje da Skupština preduzeća ima nadležnosti propisane ovim zakonom, kao i Zakonom o privrednim društvima. U članu 303. stav (1) Zakona o privrednim društvima (“Službene novine Federacije Bosne i Hercegovine”, broj 81/15), propisano je.” Odredbe ovog zakona o dioničkom društvu primjenjuju se na društvo sa ograničenom odgovornošću, ako posebnim odredbama ovog zakona nije drugačije određeno”. U odredbama ovog zakona nije regulisana posebno nadležnost Skupštine preduzeća, pa je predlagač nadležnosti skupštine dioničkog društva preuzeo iz člana 234. Zakona o privrednim društvima. Kod nadležnosti Skupštine preduzeća predviđeno je da Skupština preduzeća donosi Odluke o osnivanju podružnica uz prethodno pribavljenu saglasnost osnivača.

Isti slučaj je i sa provedbom člana 8. Zakona o javnim preduzećima, koji na isti način regulišu pitanje nadležnosti Nadzornog odbora, s tim što je u ovom slučaju preuzet član 257. Zakona o privrednim društvima.

Kad je u pitanju Uprava preduzeća nju čine direktor, izvršni direktori i rukovodilac podružnice. Na osnovu ove odluke izvršni direktori i rukovodilac podružnice bi se upisali u sudski registar sa

ograničenjem u raspolaganju novčanim sredstvima preduzeća do iznosa od 5.000,00 KM.

Kod Odbora za reviziju nije bilo značajnijih izmjena u nadležnostima u odnosu na ranija zakonska rješenja.

U Poglavlju VII - Unutrašnja organizacija preduzeća utvrđeno je da se mogu osnivati i podružnice, koje nisu bile predviđene prethodnim odlukama.

U Poglavlju VIII - Uslovi za obavljanje vanjskotrgovinske djelatnosti regulisano je da se vanjskotrgovinsko poslovanje vrši u skladu sa Zakonom koji reguliše ovu oblast.

U Poglavlju IX - Prava i obaveze Osnivača i radnika je regulisano da preduzećem upravlja Osnivač putem organa upravljanja, a da radnici svoja prava ostvaruju u skladu sa vežećim zakonskim propisima, kolektivnim ugovorima i aktima preduzeća.

U Poglavlju X - Planiranje poslovanja i razvoja i poslovne knjige preduzeća regulisana je izrada godišnjih i trogodišnjih planova preduzeća, o čemu se vode poslovne knjige.

U Poglavlju XI - Utvrđivanje i raspordjivanje dobiti regulasana je raspodjela dobiti preduzeća.

U Poglavlju XII - Opći akti preduzeća regulisana je obaveza donošenja statuta u roku od 60 dana, a drugi akti će se donositi u skladu sa potrebama preduzeća.

U Poglavlju XIII - Trajanje i prestanak preduzeća regulisano je da je preduzeće osnovano na neodređeno vrijeme i da traje dok postoje ekonomski i zakonski uslovi za njegovo poslovanje. Preduzeće pestaje sa radom odlukom Osnivača i u slučajevima predviđenim zakonom.

U Poglavlju XIV - Način izmirenja troškova regulisan je način izmirenja troškova usklađivanja preduzeća, kao i posljedice neuspjelog usklađivanja padaju na teret preduzeća.

U Poglavlju XV Prelazne i završne odredbe regulisano je između ostalog primjena zakona, prestanak važenja odluka i stupanje na snagu.

Predlagač Ministarstvo privrede Kantona Sarajevo je zauzelo stav da bi Skupština Kantona Sarajevo trebalo usvojiti predloženi tekst Odluka o usklađivanju, kako bi na osnovu istog Kantonalno javno preduzeće moglo preuzeti potrebne aktivnosti kod Općinskog suda u Sarajevu u postupku usklađivanja svog statusa.

C – FINANSIJSKA SREDSTVA ZA PROVOĐENJE OVIH ODLUKA

Troškove usklađivanja, kao i neuspjelog usklađivanja, snose Kantonalna javna preduzeća.



Broj: 03-06-02-21841/18
Sarajevo, 15.05.2018. godine

MINISTARSTVO PRIVREDE
gosp. Muharem Šabić, ministar

PREDMET: Odluka o usklađivanju statusa kantonalnog javnog preduzeća
„Veterinarska stanica“ d.o.o. Sarajevo, mišljenje –
VEZA: Vaš akt, broj: 06-05-15986-2/18 od 28.03.2018. godine

Postupajući po vašem aktu, broj i datum gornji, na osnovu odredbi člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Precišćeni tekst i br. 41/12, 8/15 i 13/17) i člana 4. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17-Drugi novi prečišćeni tekst i 2/18-Ispravka), Ministarstvo pravde i uprave razmotrilo je ovu odluku i daje slijedeće

M I Š L J E N J E

Odluka o usklađivanju statusa kantonalnog javnog preduzeća „Veterinarska stanica“ d.o.o. Sarajevo nije propis, već osnivački akt koji ne utiče na ostvarivanje prava zaštićenih odredbama Evropske konvencije o zaštiti ljudskih prava i osnovnih sloboda kao ni sa drugim pravnim aktima kojima je utvrđena zaštita ljudskih prava.

S poštovanjem,

Dostaviti:
1. Naslovu;
2. a/a.



web: <http://mpu.ks.gov.ba>

e-mail: pravda@ks.gov.ba

Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1



18.05.2018
354

Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj: 08-01-02-21842/18 A.Š.
Sarajevo, 16.05.2018. godine

1
1
1

**MINISTARSTVO PRIVREDE
KANTONA SARAJEVO**

- **O v d j e -**

Predmet: Mišljenje na Odluku o usklađivanju statusa Kantonalnog javnog preduzeća „Veterinarska stanica“ d.o.o. Sarajevo
Veza: vaš dopis, broj 07-05-24-20759/18 SN od 07.05.2018. godine

Vezano za Vaš zahtjev za mišljenje na Odluku o usklađivanju statusa Kantonalnog javnog preduzeća „Veterinarska stanica“ d.o.o. Sarajevo, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće m i š l e n j e :

Ministarstvo privrede je postupilo u skladu sa navedenim Pravilnikom i Ministarstvu finansija uz Odluku dostavilo na mišljenje popunjeno i potpisano obrazac IFP-NE u kojem je data izjava da Odluku o usklađivanju statusa Kantonalnog javnog preduzeća „Veterinarska stanica“ d.o.o. Sarajevo nema uticaja na Budžet Kantona Sarajevo.

Obzirom da za primjenu Odluke nisu potrebna dodatna sredstva iz Budžeta Kantona Sarajevo, na navedenu Odluku o usklađivanju statusa Kantonalnog javnog preduzeća „Veterinarska stanica“ d.o.o. Sarajevo, Ministarstvo finansija, sa aspekta fiskalnog učinka na budžet, nema primjedbi.

S poštovanjem,

MINISTAR

Prof. dr. Jasmin Halebić

Dostaviti:

- Naslovu
2. MF – Sektor za budžet i fiskalni sistem
3. a/a

Pripremio: Adin Šendro, mr. oec. ✓
Kontrolisala: Amina Moćević, mr. ✓




web: <http://mf.ks.gov.ba>
e-mail: mf@mf.ks.gov.ba;
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



OBRAZAC IZJAVA O FISKALNOJ PROCJENI

A 1. Obradivač, potpis		Obrazac IFP NE			
Razdjel	Kod	NAZIV			
B 2. Osnovni podaci o prijedlogu propisa	1801	Ministarstvo privrede			
Vrsta propisa/akta		Zakon	NE	Odluka	DA
Naziv propisalnika		Uredba	NE	Društveni akti	NE
C 3. Izjava o nepostojanju dodatnih fiskalnih efekata predloženog propisa		Prijedlog Odluke o usklajivanju statusa Kantonalnog javnog preduzeća "Veterinarska stanica" d.o.o Sarajevo			

Odluka nema uticaja na Budžet Kantona Sarajevo



D 4. Pečat i potpis odgovornog lica

MINISTAR
Lj. Muharem Šabić

Mjesto i
datum

Sarajevo, 07.05.2018. godine



Broj: 09-02-21843/18
Sarajevo, 23.05.2018. godine

KANTON SARAJEVO
MINISTARSTVO PRIVREDE

PREDMET: Stručno mišljenje na prijedlog Odluke o usklađivanju statusa Kantonalnog javnog preduzeća "Veterinarska stanica" d.o.o. Sarajevo.-

Na osnovu člana 2. Uredbe o Uredu za zakonodavstvo Vlade Kantona Sarajevo («Službene novine Kantona Sarajevo», broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa («Službene novine Kantona Sarajevo», broj: 50/17-Drugi novi prečišćeni tekst i 2/18-Ispravka), Ured za zakonodavstvo Vlade Kantona Sarajevo, daje slijedeće

M I Š L J E N J E

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Odluke o usklađivanju statusa Kantonalnog javnog preduzeća "Veterinarska stanica" d.o.o. Sarajevo (u daljem tekstu: Odluka), po pitanju njegove uskladenosti sa odredbama ustava, kao i drugim pozitivno-pravnim propisima koji su navedeni u obrazloženju predmetnog materijala.

Ocjena predloženih djelatnosti u prijedlogu Odluke, kao i razloga za donošenje ovog propisa, u isključivoj su nadležnosti Vlade, odnosno Skupštine Kantona Sarajevo.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Drugi novi prečišćeni tekst i 2/18-Ispravka), te se isti može razmatrati na jednoj od narednih sjednica Vlade Kantona Sarajevo, uz preporuku Ureda za zakonodavstvo Vlade Kantona Sarajevo da se predmetni materijal dopuni sa mišljenjem Pravobranilaštva Kantona Sarajevo po pitanju zaštite imovinsko-pravnih interesa Kantona Sarajevo u postupku donošenja i primjene predmetne Odluke.

- Dostaviti:
1. Naslovu
2. Evidencija
3. Arhiva



SEKRETAR

<http://uzks.gov.ba>
e-mail: uzks@uzks.gov.ba
Tel/fax: + 387 (0) 33 560-448
Sarajevo, Hamida Dizdara 1





SLUŽBENE NOVINE KANTONA SARAJEVO

Godina I - Broj 1

Ponedjeljak, 11. marta 1996.
SARAJEVO

Za svaki broj
se pojedinačno određuje
cijena

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV KANTONA SARAJEVO

I - OPĆE ODREDBE

Član 1.

Sadraj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

Naziv i sjedište Kantona

Službeni naziv Kantona je: Kanton Sarajevo.
Sjedište Kantona je u Sarajevu.

Član 4.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Novi Grad Sarajevo, Novo Sarajevo, Stari Grad Sarajevo, Trnovo i Vogosča, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavanje građana sa područja Kantona na neki od propisanih načina.

Član 5.

Službena obilje ja Kantona

Kanton ima grb, zastavu, himnu/svečanu pjesmu i pečat, kao i druga obilje ja o kojima odluči Skupština.

Službena obilje ja Kantona upotrebljavat će se samostalno ili zajedno sa službenim obilje jima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilje ja iz prethodnog stava u Skupštini potrebna je kvalifikovana većina ukupnog broja poslanika.

Član 6.

Odnos prema Bosni i Hercegovini i Federaciji

Sarajevo je glavni grad Bosne i Hercegovine i Federacije, kako je to određeno njihovim ustavima.

Organji vlasti u Kantonu su dužni obezbijediti punu zaštitu interesa Bosne i Hercegovine i Federacije u njihovom glavnom gradu. Oni ne mogu donositi bilo kakve

- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o dravljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadle nosti

Svoje nadle nosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadle nosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadle nosti će Kanton vršiti cijelovito i samostalno.

Član 15.

Prenošenje nadle nosti

Svoje nadle nosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadle nosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadle nosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadle nosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomo predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantaona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

Nadle nosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadle nosti Kantona, izuzev propisa koji su ovim Ustavom ili zakonom dati u nadle nosti Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadle nosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebitno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabralih poslanika.

Skupština zasijeda javno, izuzev u slučajevima kada je to predviđeno njenim poslovnikom. Izvještaji o zasjedanjima i donešenim odlukama se objavljaju u sredstvima javnog informiranja.

Način rada Skupštine bliže se uređuje poslovnikom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjavan na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadle nosti Skupština donosi zakone, druge propise, te opće i pojedinačne akte (dalje: propisi).

**ZAKON
O PRIVREDNIM DRUŠTVIMA**
DIO PRVI - (ZAJEDNIČKE ODREDBE)
POGLAVLJE I. (OPĆE ODREDBE)

**Član 1.
(Opće odredbe)**

Ovim zakonom uređuje se osnivanje, poslovanje, upravljanje i prestanak privrednih društava (u daljem tekstu: društvo) u Federaciji Bosne i Hercegovine (u daljem tekstu: Federacija).

**Član 2.
(Društvo)**

- (1) Društvo je pravno lice koje samostalno obavlja djelatnost proizvodnje i prodaje proizvoda i pružanja usluga na tržištu radi sticanja dobiti.
- (2) Društvo mogu osnovati i domaća i strana fizička i pravna lica ako zakonom nije drugačije određeno.

**Član 3.
(Oblici društva)**

- (1) Društvo može biti organizirano u jednom od sljedećih oblika:
 - a) društvo sa neograničenom solidarnom odgovornošću;
 - b) komanditno društvo;
 - c) dioničko društvo;
 - d) društvo sa ograničenom odgovornošću.
- (2) Odredbe ovog zakona u kojima je upotrijebljena riječ "društvo" bez punog naziva jednog od oblika iz stava (1) ovog člana odnose se na sva društva.

**Član 4.
(Pravna sposobnost)**

- (1) Svojstvo pravnog lica društvo stiče danom upisa u registar koji vodi sud određen Zakonom o registraciji poslovnih subjekata u Federaciji Bosne i Hercegovine (u daljem tekstu: registar društava).
- (2) Društvo odgovara za svoje obaveze cijelokupnom svojom imovinom.
- (3) Prije upisa u registar društava niko ne može nastupati u ime društva.
- (4) Lice koje postupi suprotno odredbi stava (3) ovog člana odgovara za stvorene obaveze cijelokupnom svojom imovinom, a kada tako nastupa više lica za obaveze odgovaraju neograničeno solidarno.

**Član 5.
(Odgovornost za obaveze)**

- (1) Svaki član društva sa neograničenom solidarnom odgovornošću i komplementar u komanditnom društvu odgovara za obaveze društva neograničeno solidarno cijelokupnom svojom imovinom.
- (2) Komanditor u komanditnom društvu, dioničar u dioničkom društvu i vlasnik udjela društva sa ograničenom odgovornošću ne odgovara za obaveze društva, osim kada:
 - a) koristi društvo za postizanje ličnog cilja koji nije saglasan ciljevima drugih članova i društva u cjelini;
 - b) upravlja imovinom društva kao svojom imovinom;
 - c) koristi društvo za prevaru ili oštećenje svojih povjerilaca;
 - d) utiče na smanjenje imovine društva u svoju korist ili korist trećih lica, ili utiče da društvo preuzme obaveze iako je znao ili morao znati da društvo nije ili neće biti sposobno da izvrši svoje obaveze.

**Član 6.
(Djelatnost)**

- (1) Društvo počinje obavljati svoju djelatnost nakon upisa u registar društava i objavljivanja registracije u skladu sa zakonom kojim se uređuje registracija privrednih društava.
- (2) Djelatnosti za koje je zakonom utvrđeno da se mogu obavljati samo na osnovu saglasnosti, dozvole ili drugog akta nadležnog organa mogu se obavljati nakon dobijanja dozvole, saglasnosti ili drugog akta nadležnog organa.
- (3) Ukoliko zakonom ili drugim propisom nisu utvrđeni uvjeti za dobijanje saglasnosti, dozvole ili drugog akta nadležnog organa iz stava (2) ovog člana, federalna ministarstva će u skladu s ovim zakonom, svako u okviru svoje nadležnosti, utvrditi te uvjete.
- (4) Djelatnosti za koje je posebnim zakonom propisano da se obavljaju u određenom obliku privrednog društva, ne mogu se obavljati u drugom obliku privrednog društva.

Član 7.

(Mogućnost obavljanja i drugih djelatnosti društva)

- (1) Društvo može obavljati poslove samo u okviru djelatnosti upisane u registar društava.
- (2) Društvo može obavljati i druge poslove koji se uobičajeno obavljaju uz djelatnosti upisane u registar društava u obimu i na način koji su potrebni za poslovanje, a ne predstavljaju obavljanje tih poslova kao redovne djelatnosti.

Član 8.

(Valjanost poslova)

Poslovi koje zaključi lice koje je svojim položajem ili na drugi način ovlašteno za zastupanje i predstavljanje društva, valjani su za treće lice i u slučaju da su zaključeni poslovi izvan djelatnosti upisane u registar društava, osim ako je treće lice znalo ili moralno znati da su takvi poslovi izvan djelatnosti društva.

Član 9.

(Sjedište)

- (1) Sjedište društva je mjesto koje je kao sjedište upisano u registar društava.
- (2) Sjedište se utvrđuje osnovačkim aktom ili statutom društva.

Član 10.

(Podružnice)

- (1) Društvo, domaće ili strano, može izvan mjesta sjedišta osnovati jednu ili više podružnice u kojima obavlja svoje djelatnosti.
- (2) Podružnica nastaje odlukom o osnivanju koju donosi ovlašteni organ društva u skladu s osnovačkim aktom ili statutom društva.
- (3) Podružnice nemaju svojstvo pravnog lica.
- (4) Podružnica ima mjesto poslovanja i zastupnika, a poslove sa trećim licima obavlja u ime i za račun društva.
- (5) Podružnice domaćeg društva se upisuju u registar društava u registarskom sudu u kojem je društvo upisano.
- (6) Podružnice stranog društva se upisuju u registar društava u registarskom sudu na čijem području je sjedište podružnice.

POGLAVLJE II. (FIRMA)

Član 11.

(Pojam)

- (1) Firma je ime pod kojim društvo posluje.
- (2) Firma se obvezno ističe na poslovnim prostorijama društva.

- društvo dužno je osigurati i dodatno objavljivanje, u slučajevima, pod uvjetima i na način utvrđenim propisima Komisije.
- (4) Dioničko društvo koje ima jednog dioničara nema obavezu objave obavještenja u skladu sa stavom (1) ovog člana.

Član 231.

(Pravo glasa)

- (1) Dioničar ili grupa dioničara sa najmanje 5% ukupnog broja dionica sa pravom glasa ima pravo pisano predložiti pitanja i prijedloge odluka za uvrštanje na dnevni red naredne skupštine društva, u svaku dobu prije objavljivanja obavještenja o održavanju skupštine, kao i na izmjenu dnevnog reda i prijedloga odluka skupštine koja je sazvana, najkasnije osam dana od dana objavljivanja obavještenja iz člana 230. stav (1) ovog zakona.
- (2) Nadzorni odbor dužan je o prijedlozima dioničara iz stava (1) ovog člana objaviti obavještenje na isti način kao i obavještenje o sazivanju skupštine.
- (3) Troškove objavljivanja pojedinačnih prijedloga iz stava (1) ovog člana koji sadrže do 100 riječi snosi dioničko društvo, a za duže prijedloge troškove snosi predlašač.

Član 232.

(Zahtjev za sazivanje)

- (1) Zahtjev za sazivanje skupštine može podnijeti:
- dioničar ili grupa dioničara sa više od 10% ukupnog broja dionica sa pravom glasa;
 - član nadzornog odbora;
 - član odbora za reviziju.
- (2) Zahtjev za sazivanje skupštine, sa prijedlogom dnevnog reda, podnosi se nadzornom odboru u pisanoj formi.
- (3) Ukoliko nadzorni odbor u roku 15 dana od dana podnošenja zahtjeva ne objavi obavještenje o sazivanju skupštine, na način iz člana 230. ovog zakona, podnositelj zahtjeva ovlašten je na isti način neposredno sazvati skupštinu i obavezan je o tome pisano obavijestiti Komisiju.
- (4) Lica iz stava (1) ovog člana ovlaštena su neposredno sazvati skupštinu, bez prethodnog podnošenja zahtjeva nadzornom odboru u slučaju da pet mjeseci po isteku poslovne godine nadzorni odbor nije sazvao skupštinu radi izjašnjavanja o godišnjem izvještaju društva, koji uključuje finansijski izvještaj i izvještaje revizora, nadzornog odbora i odbora za reviziju.
- (5) Podnositelj zahtjeva iz stava (1) ovog člana, ukoliko neposredno saziva skupštinu, može zadužiti sekretara društva da izvrši utvrđivanje sastava radnih tijela skupštine, objavljivanje obavještenja o sazivanju skupštine na način iz člana 230. ovog zakona, te poduzeti i sve druge radnje neophodne za održavanje skupštine društva.
- (6) Podnositelj zahtjeva iz stava (1) ovog člana, ukoliko neposredno saziva skupštinu, dužan je utvrditi prijedloge odluka sazvane skupštine i dioničarima omogućiti ostvarivanje prava iz člana 235. ovog zakona.

Član 233.

(Mogućnost odlučivanja)

- (1) Skupština može odlučivati ukoliko je na njoj zastupljeno više od 30% ukupnog broja dionica sa pravom glasa.
- (2) Ukoliko po isteku 60 minuta od zakazanog vremena početka skupštine nije postignut kvor za odlučivanje iz stava (1) ovog člana, skupština se odgađa, a sazivač skupštine je dužan u roku tri dana objaviti obavještenje o ponovnom sazivanju skupštine.
- (3) Obavještenje iz stava (2) ovog člana mora biti objavljeno najmanje 10 dana prije datuma određenog za održavanje ponovljene skupštine.

- (4) Na obavještenje o sazivanju skupštine shodno se primjenjuje član 230. ovog zakona.
- (5) U slučaju iz stava (2) ovog člana, ponovno sazvana skupština može odlučivati ukoliko je na njoj zastupljeno više od 10% ukupnog broja dionica sa pravom glasa.
- (6) Statutom dioničkog društva može se utvrditi veći, ali ne manji procenat od iznosa utvrđenih u st. (1) i (5) ovog člana.
- (7) Izuzetno, predsjednik skupštine može prekinuti rad skupštine najduže do 15 dana, uz utvrđivanje tačnog datuma i mesta nastavka rada započete skupštine.

Član 234.

(Pitanja o kojima odlučuje skupština)

Skupština dioničkog društva odlučuje o:

- povećanju i smanjenju osnovnog kapitala;
- emisiji novih dionica postojeće ili nove klase i emisiji obveznica i drugih dužničkih vrijednosnih papira;
- ograničenju ili isključenju prava preće kupnje novih dionica u okviru odluke o emisiji novih dionica postojeće ili nove klase;
- uvajanjem godišnjeg izvještaja o poslovanju društva koji uključuje finansijski izvještaj i izvještaje revizora, nadzornog odbora i odbora za reviziju;
- rasporedu dobiti i isplati dividende;
- načinu pokrića gubitka;
- spajanju sa drugim društvima i pripajanju drugih društava dioničkom društvu ili dioničkog društva drugom društvu;
- promjeni oblika i podjeli dioničkog društva;
- prestanku dioničkog društva sa provođenjem likvidacije i u odobravanju početnog likvidacionog bilansa i završnog računa po okončanju postupka likvidacije;
- kupovini, prodaji, zamjeni, uzimanju ili davanju u lizing, uzimanju ili davanju kredita i drugim transakcijama imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti imovine dioničkog društva po bilansu stanja na kraju prethodne godine, na prijedlog uprave i nadzornog odbora;
- izboru i razrješenju članova nadzornog odbora pojedinačno;
- izboru vanjskog revizora;
- izboru i razrješenju članova odbora za reviziju pojedinačno;
- osnivanju, reorganizaciji i likvidaciji supsidijarnih društava i odobravanju njihovih statuta;
- naknadama članova nadzornog odbora i odbora za reviziju;
- izmjenama i dopunama odredaba statuta koje se ne odnose na pitanja iz tač. a), b), g) i h) ovog člana ili druga pitanja o kojima, u skladu sa zakonom ili statutom društva, skupština donosi posebne odluke čiji pravni učinak uključuje izmjenu odgovarajućih odredaba statuta društva;
- izuzimanju stalnih sredstava u privrednim društvima;
- drugim pitanjima bitnim za poslovanje dioničkog društva, u skladu sa zakonom i statutom dioničkog društva.

Član 235.

(Pravo dioničara)

- (1) Dioničar ima pravo od dana objavljivanja obavještenja o sazivanju skupštine u prostorijama dioničkog društva izvršiti uvid u Listu dioničara, finansijski izvještaj sa

**Član 248.
(Članovi)**

Predsjednik i član nadzornog odbora ne može biti lice:

- osuđivano za kriično djelo i za prekršaj nespojiv sa dužnošću u nadzornom odboru, pet godina od dana pravomočnosti presude, isključujući vrijeme zatvorske kazne;
- kojem je presudom suda zabranjeno obavljanje aktivnosti u nadležnosti nadzornog odbora.

Član 249.

(Predlaganje kandidata)

- Kandidata za člana nadzornog odbora može predložiti dioničar ili grupa dioničara sa najmanje 5% dionica sa pravom glasa.
- Prijedlog iz stava (1) ovog člana podnosi se pisano najkasnije osam dana od dana objavljivanja obavještenja o sazivanju skupštine u čijim je dnevni red uključeno i pitanje izbora članova nadzornog odbora.
- Kandidati za članove nadzornog odbora moraju prije glasanja dati pisani izjavu o prihvatanju kandidature.

Član 250.

(Biranje članova)

- Članovi nadzornog odbora biraju se glasanjem, u skladu sa članom 237. ovog zakona, pri čemu svakoj dionici sa pravom glasa pripada broj glasova jednak broju članova nadzornog odbora koji se biraju.
- Ukupan broj glasova koji nosi svaki glasački listić raspoređuje se ravnomjerno na sve kandidate čija imena su zaokružena na istom listiću.
- Kandidate koji su dobili najveći broj glasova skupština proglašava za članove nadzornog odbora.
- Na prvoj konstituirajućoj sjednici nadzornog odbora koju u roku 15 dana od dana održavanja skupštine iz stava (3) ovog člana saziva sekretar društva, nadzorni odbor jednog od svojih članova bira za predsjednika nadzornog odbora.
- Nadzorni odbor može razriješiti člana nadzornog odbora sa dužnosti predsjednika uz istovremeno imenovanje jednog od svojih članova za predsjednika nadzornog odbora.

Član 251.

(Prvi mandat)

Predsjednik i članovi nadzornog odbora u prvom mandatu biraju se na osnovačkoj skupštini u skladu sa odredbama čl. 249. i 250. ovog zakona.

Član 252.

(Nespojivost funkcija i stručno usavršavanje)

- Dioničar sa 50% i više dionica, direktor i član uprave bilo kojeg dioničkog društva kao i vlasnik sa 50% i više vlasništva, direktor i član uprave bilo kojeg društva sa ograničenom odgovornošću ne može biti predsjednik i član nadzornog ili upravnog odbora imenovan ispred državnog kapitala u društvinu sa učešćem državnog kapitala ili fondovima, agencijama, komisijama i drugim pravnim licima osnovanim od Vlade Federacije ili Parlamenta Federacije (u daljnjem tekstu: institucije).
- Predsjednik ili član nadzornog ili upravnog odbora društva sa učešćem državnog kapitala ili institucije ne može istovremeno biti predsjednik ili član nadzornog ili upravnog odbora drugog društva ili institucije.
- Predsjednik i članovi nadzornog odbora i članovi uprave privrednog društva sa učešćem državnog kapitala i predsjednici i članovi nadzornih odbora privrednih društava u kojima učešće državnog kapitala nije većinsko, a koji su u nadzorni odbor kandidovani ispred državnog kapitala, dužni su proći odgovarajuće stručno usavršavanje u skladu sa Uredbom o usavršavanju predsjednika i članova nadzornih

odbora i uprava privrednih društava sa učešćem državnog kapitala.

Član 253.

(Zaključivanje ugovora)

- Predsjednik i članovi nadzornog odbora zaključuju sa dioničkim društvom ugovor koji odobrava skupština.
- Ugovor, u ime dioničkog društva, potpisuje direktor u skladu sa odobrenjem skupštine.

Član 254.

(Održavanje sjednice)

- Sjednica nadzornog odbora održava se najmanje jednom u tri mjeseca.
- Sjednicu nadzornog odbora saziva predsjednik nadzornog odbora.
- Predsjednik nadzornog odbora dužan je sazvati sjednicu na zahtjev direktora dioničkog društva ili dva člana nadzornog odbora najkasnije 14 dana od dana podnošenja zahtjeva u protivnom sjednicu je ovlašten sazvati podnositelj zahtjeva.

Član 255.

(Poziv za sjednicu)

- Pisani poziv za sjednicu nadzornog odbora u kojem su naznaćeni mjesto i datum održavanja, vrijeme početka i dnevni red sjednice dostavlja se članovima nadzornog odbora najkasnije u roku 14 dana prije datuma održavanja sjednice.
- Uz poziv za sjednicu dostavljaju se materijali za svaku tačku dnevnog reda.
- U hitnim slučajevima utvrđenim statutom društva može se utvrditi i kraći rok od roka iz stava (1) ovog člana.

Član 256.

(Kvorum)

- Za održavanje sjednice nadzornog odbora potreban je kvorum od dvije trećine ukupnog broja članova.
- U slučaju da dvije trećine ne predstavljaju cijeli broj, dvije trećine se zaokružuje na prvi veći cijeli broj, ako statutom društva nije drugačije određeno.
- Ukoliko ne postoji kvorum iz stava (1) ovog člana, sjednica nadzornog odbora se odgada za sedam dana i na ponovljenoj sjednici je potreban kvorum od većine ukupnog broja članova.
- Nadzorni odbor donosi odluke većinom glasova prisutnih članova.
- Predsjednik i član nadzornog odbora ne može glasati o pitanjima koja se odnose na njega lično.
- Lica koja nisu članovi nadzornog odbora mogu prisustvovati sjednici samo na osnovu pisanih poziva predsjednika nadzornog odbora.

Član 257.

(Nadležnosti)

Nadzorni odbor dioničkog društva nadležan je da:

- nadzire poslovanje dioničkog društva, usvaja poslovne strategije društva i planove poslovanja;
- nadzire rad uprave, te odobrava odluke strateškog karaktera;
- usvaja izvještaj uprave o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije;
- podnosi skupštini godišnji izvještaj o poslovanju dioničkog društva koji obavezno uključuje finansijski izvještaj i izvještaje revizora, nadzornog odbora i odbora za reviziju;
- bira predsjednika nadzornog odbora;
- bira upravu i sekretara društva;

- g) predlaže raspodjelu i način upotrebe dobiti i način pokrića gubitka;
- h) odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine dioničkog društva po bilansu stanja na kraju prethodne godine;
- i) predlaže skupštini kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine dioničkog društva po bilansu stanja na kraju prethodne godine;
- j) imenuje predsjednike i članove pododbora zavisno o procijenjenim potrebama;
- k) obražuje povremene komisije i utvrđuje njihov sastav i zadatke;
- l) saziva skupštinu društva;
- m) odobrava emisiju novih dionica postojeće klase u iznosu do trećine zbira nominalne vrijednosti postojećih dionica i određuje iznos, vrijeme prodaje i cijenu ovih dionica koja ne može biti manja od prosječne tržišne vrijednosti postojećih dionica iste klase u 30 uzastopnih dana prije dana donošenja odluke.

Član 258.

(Dužnosti)

- (1) Predsjednik i članovi nadzornog odbora dužni su svoje obaveze i odgovornosti izvršavati u skladu sa interesima dioničara i dioničkog društva i ne mogu obavljati djelatnost konkurentnu djelatnosti dioničkog društva bez obavljanja i saglasnosti drugih članova nadzornog odbora.
- (2) Predsjednik i članovi nadzornog odbora dužni su prilikom predlaganja emisije novih ili otkupa vlastitih dionica dioničkog društva i drugih vrijednosnih papira saopštiti sve bitne podatke koji se odnose na poslovanje dioničkog društva.
- (3) Predsjednik i član nadzornog odbora dužni su prijaviti nadzornom odboru svaki direktni ili indirektni interes u pravnom licu sa kojim dioničko društvo ima ili namjerava da stupi u poslovni odnos.
- (4) U slučaju iz stava (3) ovog člana predsjednik i član nadzornog odbora ne mogu odlučivati o pitanjima koja se tiču odnosa dioničkog društva i drugih pravnih lica u kojima predsjednik i član nadzornog odbora imaju direktni ili indirektni finansijski interes.

Član 259.

(Naknada štete društvu)

Ako predsjednik i član nadzornog odbora postupaju suprotno odredbama člana 258. ovog zakona, dioničko društvo ima pravo na naknadu štete koju je uslijed toga pretrpilo.

Član 260.

(Odgovornost za nastale štete)

Predsjednik i članovi nadzornog odbora neogramičeno solidarno odgovoraju za štete koje prouzrokuju neizvršavanjem ili neurednim izvršavanjem svojih dužnosti.

Član 261.

(Lista odgovornosti)

- (1) Predsjednik i članovi nadzornog odbora su odgovorni za štetu koju je pretrpilo dioničko društvo ako su suprotno

odredbama ovog zakona, statuta dioničkog društva i odlukama skupštine:

- vratili uplate dioničarima;
- dioničarima isplatili dividendu;
- vlasnicima obveznica dioničkog društva isplatili kamatu;
- upisali, sticali ili otkupljivali dionice;
- prodavali imovinu društva;
- vršili plaćanja nakon što je dioničko društvo postalo nesolventno;
- produžavali rokove vraćanja kredita dioničkom društvu;
- izdavali dionice na osnovu uvjetnog povećanja osnovnog kapitala.

- (2) Dioničko društvo može odustati od potraživanja iz stava (1) ovog člana nakon isteka tri godine od dana isticanja zahtjeva za naknadu štete, ako se sa odustajanjem saglasni skupština, a protiv te odluke nije podnesen prigovor dioničara koji posjeduju najmanje 10% dionica sa pravom glasa.

Član 262.

(Prava predsjednika i članova)

- (1) Predsjednik i članovi nadzornog odbora imaju pravo zahtijevati sve podatke o poslovanju i prisustvo članova uprave sjednicama nadzornog odbora.
- (2) Predsjednik i članovi nadzornog odbora imaju pravo prisustvovati sjednicama uprave dioničkog društva.

Odjeljak C. (Uprava)

Član 263.

(Uprava)

- (1) Uprava organizira rad i rukovodi poslovanjem, zastupa i predstavlja dioničko društvo i odgovara za zakonitost poslovanja.
- (2) Upravu dioničkog društva čini direktor, ili direktor i jedan ili više izvršnih direktora.
- (3) Postupak izbora, imenovanja, razrješenja, sastav i način odlučivanja uprave dioničkog društva utvrđuju se statutom.
- (4) Odredbe čl. 248. i 260. ovog zakona primjenjuju se i na članove uprave dioničkog društva.

Član 264.

(Direktor)

- (1) Direktor predsjedava upravom, rukovodi poslovanjem, zastupa i predstavlja dioničko društvo i odgovara za zakonitost poslovanja.
- (2) Mandat članovima uprave je četiri godine.
- (3) Položaj, ovlaštenja, odgovornosti i prava uprave uredjuju se ugovorom.

Član 265.

(Razrješenje članova)

- (1) Način razrješenja članova uprave dioničkog društva i prije isteka mandata na koji su imenovani, utvrđuje se statutom društva.
- (2) U slučaju razrješenja članova uprave dioničkog društva prije isteka mandata shodno se primjenjuju odredbe člana 247. stav (5) ovog zakona.

Član 266.

(Zamjena direktora)

Direktor pisano ovlašćuje jednog od izvršnih direktora da ga zamjenjuje u slučaju sprječenosti i utvrđuje ovlaštenja.

Član 267.

(Interesi)

- (1) Direktor i izvršni direktor dužni su prijaviti nadzornom odboru svaki direktni ili indirektni interes u pravnom licu sa

- ff) ne čuva isprave u skladu sa odredbom člana 242. stav (1) ovog zakona;
- gg) ima nadzorni odbor sastavljen protivno odredbama člana 248. ovog zakona;
- hh) ne vodi knjigu udjela u skladu sa odredbama čl. 318. i 319. ovog zakona;
- ii) nema nadzorni odbor u slučajevima iz člana 340. stav (2) ovog zakona;
- jj) ne održi skupštinu po nalogu suda u slučaju iz člana 345. ovog zakona;
- kk) poveća osnovni kapital protivno odredbama člana 348. ovog zakona;
- ll) odluku o smanjenju osnovnog kapitala ne dostavi registru društava ili ne objavi u skladu sa odredbama člana 350. ovog zakona;
- mm) ne osigura odvojeno upravljanje imovinom spojenog ili pripojenog društva u skladu sa odredbom člana 356. ovog zakona.

Član 368.

(Kaznene odredbe za odgovorno lice)

Za prekršaj iz člana 367. ovog zakona kaznit će se i odgovorno lice u društvu novčanom kaznom u iznosu od 50,00 KM do 20.000,00 KM.

Član 369.

(Kaznene odredbe za predsjednika i članove nadzornog odbora i sekretara društva)

- (1) Za prekršaj bit će kažnjen novčanom kaznom u iznosu od 50,00 KM do 20.000,00 KM predsjednik i članovi nadzornog odbora društva koji:
 - a) ne sazove skupštinu u slučaju iz člana 185. stav (1) ovog zakona;
 - b) ne prijavi nadzornom odboru kupovinu dionica nove emisije u slučaju iz člana 202. ovog zakona;
 - c) ne obavijesti dioničare o sticanju vlastitih dionica u skladu sa odredbama čl. 215. i 221. ovog zakona;
 - d) ne objavi obaveštenje o prijedlozima dioničara u skladu sa odredbama člana 231. ovog zakona;
 - e) ne objavi obaveštenje o ponovnom sazivanju skupštine u skladu sa odredbama člana 233. ovog zakona;
 - f) ne sazove skupštinu radi razmatranja godišnjeg finansijskog izvještaja u roku iz člana 236. stav (2) ovog zakona;
 - g) ne sazove skupštinu radi ponovnog odlučivanja u skladu sa članom 240. ovog zakona;
 - h) postupaju protivno odredbama čl. 252. i 258. ovog zakona.
- (2) Za prekršaj bit će kažnjen novčanom kaznom u iznosu od 50,00 KM do 20.000,00 KM sekretar društva koji:
 - a) ne postupi prema zaduženju iz člana 232. stav (5) ovog zakona;
 - b) ne sazove konstituirajuću sjednicu nadzornog odbora u skladu sa članom 250. stav (4) ovog zakona.

Član 370.

(Kaznene odredbe za direktora i članove uprave)

Za prekršaj bit će kažnjen novčanom kaznom u iznosu od 50,00 KM do 20.000,00 KM direktor i član uprave društva koji:

- a) ne prijavi nadzornom odboru kupovinu dionica nove emisije u slučaju iz člana 202. ovog zakona;
- b) ne prijavi nadzornom odboru finansijski interes ili učestvuje u poslovnom odnosu protivno odredbama člana 267. ovog zakona;
- c) u roku ne postupi po odredbama člana 372. ovog zakona.

Član 371.

(Kaznene odredbe za određena lica)

Za prekršaj bit će kažnjeno novčanom kaznom u iznosu od 50,00 KM do 20.000,00 KM lice koje:

- a) u društvu osnuje ili organizira osnivanje organizacija, ili provodi aktivnosti protivno odredbama člana 43. ovog zakona;
- b) ne obrazloži nepotpisivanje zapisnika ili neosnovano odbije potpisati zapisnik suprotno odredbama člana 241. ovog zakona.

DIO SEDMI - (PRIJELAZNE I ZAVRŠNE ODREDBE)**Član 372.**

(Ustavljanje)

Sva privredna društva, uključujući i ona sa učešćem državnog kapitala u vlasničkoj strukturi, dužna su oblik, firmu, osnovni kapital i statut društva uskladiti sa ovim zakonom.

Član 373.

(Prestanak važenja Zakona o privrednim društvima)

Danom početka primjene ovog zakona prestaje važiti Zakon o privrednim društvima ("Službene novine Federacije BiH", br. 23/99, 45/00, 2/02, isp. 6/02, 29/03, 68/05, 91/07, 84/08, isp. 88/08, isp. 7/09, 63/10 i 75/13).

Član 374.

(Stupanje na snagu)

Ovaj zakon stupa na snagu narednog dana od dana objavljivanja u "Službenim novinama Federacije BiH", a počet će se primjenjivati nakon isteka 60 dana od dana stupanja na snagu.

Predsjedavajuća

Doma naroda

Parlamenta Federacije BiH

Lidija Bradara, s. r.

Predsjedavajući

Predstavničkog doma

Parlamenta Federacije BiH

Edin Mušić, s. r.

1525

Temeljem članka IV.B.7. a)(IV) Ustava Federacije Bosne i Hercegovine, donosim

UKAZ

O PROGLAŠENJU ODLUKE O IZBORU ČLANOVA U ZAJEDNIČKO POVJERENSTVO ZA USUGLAŠAVANJE RAZLIČITO USVOJENIH TEKSTOVA ZAKONA U DOMOVIMA PARLAMENTA FEDERACIJE BOSNE I HERCEGOVINE

Proglašava se Odluka o izboru članova u Zajedničko povjerenstvo za usuglašavanje različito usvojenih tekstova zakona u domovima Parlamenta Federacije Bosne i Hercegovine koju je usvojio Parlament Federacije Bosne i Hercegovine, na sjednici Zastupničkog doma od 09.10.2015. godine i na sjednici Doma naroda od 30.9.2015. godine.

Broj 01-02-771-02/15

14. listopada 2015. godine
Sarajevo

Predsjednik
Marinko Čavara, v. r.

Temeljem čl. 54., 81., 82. i 83. Poslovnika Zastupničkog doma Parlamenta Federacije Bosne i Hercegovine, članka 52. Poslovnika o radu Doma naroda Parlamenta Federacije Bosne i Hercegovine i Odluke o utemeljenju Zajedničkog povjerenstva za usuglašavanje različito usvojenih tekstova zakona u domovima Parlamenta Federacije Bosne i Hercegovine ("Službene novine Federacije BiH", broj 35/12), Parlament Federacije Bosne i Hercegovine, na sjednici Zastupničkog doma održanoj 09. listopada 2015. godine i na sjednici Doma naroda održanoj 30. rujna 2015. godine, donio je

- а) ако стави у промет или употребљава мјерило из увоза за које није добијена потврда Завода да испуњава мјерилачке и друге услове (члан 12. став 1.);
- д) ако стави у промет или употребљава мјерило које није на прописан начин верификовано (члан 13. став 2.).

За привредни преступ из става 1. овог члана новчаном казном у износу од 120,00 KM до 1.200,00 KM казнит ће се и одговорно лице у правном лицу.

Члан 33.

Новчаном казном од 600,00 KM до 2.000,00 KM казниће се за прекрај правно лице:

- а) ако не врши прву, наредну или ванредну верификацију мјерила (члан 13. став 1.);
- б) ако употребљава мјерило којем је истекао прописани рок периодичне верификације (члан 15. став 5.);
- ц) ако стави у промет претпакирани производ без ознаке количине или ако стварна количина није у оквиру дозвољених одступања од назначене количине (члан 20. став 2.).

За прекрај из става 1. овог члана новчаном казном у износу од 200,00 KM до 500,00 KM казниће се физичко лице и одговорно лице у правном лицу.

Члан 34.

Новчаном казном од 250,00 KM до 600,00 KM казниће се за прекрај правно лице:

- а) ако уопште не посједује мјерило прописано за обављање дјелатности (члан 9. став 1.);
- б) ако употребљава неисправно мјерило или га употребљава на начин којим се не обезбеђује потребна тачност мјерења (члан 25. став 2.);
- ц) ако не обавијести Завод о дјелатности претпакирања (члан 21. став 2.);
- д) ако не омогући несметану контролу или не да податке потребне за вршење контроле (члан 28. став 2.).

За прекрај из става 1. овог члана новчаном казном од 50,00 KM до 100,00 KM казниће се физичко лице и одговорно лице у правном лицу.

За поновљене прекраје из чл. 32. и 33. овог Закона може се изрећи и заштитна мјера трајног одузимања мјерила чијом је употребом починен прекрај, а поред тога, може се изрећи и заштитна мјера трајне или привремене забране обављања дјелатности у трајању од шест мјесеци.

XI - ПРЕЛАЗНЕ И ЗАВРШНЕ ОДРЕДБЕ

Члан 35.

Прописи који су предвиђени за спровођење овог закона доносиће се у року од 90 дана од дана ступања на снагу овог закона.

Члан 36.

Додоношења прописа из члана 35. овог закона примјењиваће се прописи који су се примјењивали до дана ступања на снагу овог закона.

Сва одобрења, сертификати, овлаштења и рјешења доњијета прије ступања на снагу овог закона остају на снази шест мјесеци од дана доношења прописа из става 1. овог члана.

Жигови на мјерилима која су верификована прије ступања на снагу овог закона остају на снази до истека рока важења.

Члан 37.

Овај закон ступа на снагу осмог дана од дана објављивања у "Службеним новинама Федерације BiH".

Предсједавајући
Дома народа
Парламента Федерације BiH
Славко Матић, с. р.

Предсједавајући
Представничког дома
Парламента Федерације BiH
Мухамед Ибрахимовић, с. р.

69

На основу члана IV B.7. a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O JAVNIM PREDUZEĆIMA U FEDERACIJI BOSNE I HERCEGOVINE

Proglašava se Zakon o javnim preduzećima u Federaciji Bosne i Hercegovine koji je donio Parlament Federacije BiH na sjednici Predstavničkog doma od 17. januara 2005. godine i na sjednici Doma naroda od 25. januara 2005. godine.

Broj 01-27/05

26. januara 2005. godine
Sarajevo

Predsjednik
Niko Lozanđić, s. r.

ZAKON

O JAVnim PREDUZEĆIMA U FEDERACIJI BOSNE I HERCEGOVINE

1. Predmet Zakona i definicije

Član 1.

Ovim Zakonom uređuju se određena pitanja upravljanja i poslovanja u javnim preduzećima.

Član 2.

Javno preduzeće, u smislu ovog Zakona, jeste preduzeće (pravno lice upisano u sudske registre kao privredno društvo, odnosno javno preduzeće definirano kao takvo posebnim propisom) koje obavlja djelatnosti od javnog društvenog interesa (energetika, komunikacije, komunalne djelatnosti, upravljanje javnim dobrima i druge djelatnosti od javnog društvenog interesa), koje zapošljava najmanje 50 radnika, kao i preduzeće u kojem općina, grad, kanton ili Federacija Bosne i Hercegovine ima udio u vlasništvu u iznosu od najmanje 50% plus jedna dionica odnosno udio nezavisno od toga kojom se djelatnosti bavi.

Djelatnosti od javnog društvenog interesa utvrđuju općina, kanton i Federacija Bosne i Hercegovine, svako u okviru svojih nadležnosti.

Član 3.

Javna preduzeća iz člana 2. ovog Zakona mogu se organizirati u obliku dioničkog društva ili društva sa ograničenom odgovornošću.

Član 4.

U ovom Zakonu primjenjuju se sljedeće definicije:

"poslovne tajne" - uključuju sve informacije koje se odnose na poslovanje javnog preduzeća koje mogu biti od koristi za konkurenće, kao što su npr. proizvodni proces, inžinjerski i tehnički projekti i nacrte, specifikacije proizvoda, liste klijenata, poslovna strategija, te informacije vezane za finansije, prodaju i marketing;

"interna kontrola" - jeste postupak koji provode nadzorni odbor, uprava i zaposleni sa ciljem da se pruže prihvatljive garancije u pogledu postizanja ciljeva u sljedećim kategorijama: efikasnost i ekonomičnost operacija, pouzdanost finansijskog izvještavanja i postupanje u skladu sa zakonima i propisima koji su na snazi;

"postupak nabavke" - jeste odgovarajući postupak za dodjelu ugovora dobavljaču u skladu sa važećim propisima o nabavci;

"povezano lice" - jeste svaki zaposlenik javnog preduzeća, uključujući i pojedince i zastupnike koje javno preduzeće imenuje za obavljanje određenih djelatnosti, svaki član nadzornog odbora i odbora za reviziju, svako javno preduzeće ili pojedinac u čijem posrednom ili neposrednom vlasništvu je najmanje 10% od ukupne sume glasačkih prava javnog preduzeća;

"odgovorno lice" - jeste svako lice kojem se zakonom ili statutom javnog preduzeća dodjeljuje nadležnost za konkretni posao ili zadatak, odnosno svako lice za koje se sa razlogom može reći da takva nadležnost potпадa pod odredbe njegovog ugovora o radu ili u djelokrug njegovih poslova u javnom preduzeću;

"revidiranje" - jeste analiziranje izvještaja ili situacije i u roku od 15 dana podnošenje prijedloga relevantnih

pisanih korektivnih strategija menadžmentu radi otklanjanja mogućih i stvarnih nezakonitosti, neefikasnosti, gubitaka i izdataka;

"nadziranje ili nadzor" - jeste detaljno i sistematsko nadgledanje izvršenja bilo kojeg posla ili zadatka odgovornog lica, ili druge aktivnosti javnog preduzeća. Cilj nadzora je da se otkrije i nadležnim organima prijavi moguća prijevara ili druga nezakonita aktivnost, te da se pokrene postupak za disciplinsko kažnjavanje i otpuštanje odgovornih lica koja su počinila prekršaj u vezi sa tim zadacima i poslovima;

"neraspoređene rezerve" - jesu račun dioničarske premije, rezerva iz otkupa kapitala i svaka rezerva čija je raspodjela javnom preduzeću zabranjena iz drugih razloga kao npr. na osnovu posebnog zakona koji se primjenjuje na društva te vrste, ili uvjetima iz statuta javnog preduzeća.

2. Upravljanje

Član 5.

Organji javnog preduzeća su:

- skupština,
- nadzorni odbor,
- uprava (menadžment), kao organi upravljanja i
- odbor za reviziju.

2.1. Skupština

Član 6.

(1) Pored odluka utvrđenih Zakonom o privrednim društvima ("Službene novine Federacije BiH", br. 23/99, 45/00, 2/02, 6/02 i 29/03) skupština donosi odluke i o sljedećem:

- a) poslovniku ili poslovcima na prijedlog nadzornog odbora,
- b) etičkom kodeksu na prijedlog nadzornog odbora,
- c) planu poslovanja, odnosno revidiranom planu poslovanja u skladu sa članom 23. ovog Zakona.

(2) Skupština podnosi općinskom vijeću, skupštini kantona, odnosno Parlamentu Federacije Bosne i Hercegovine izvještaje o radu i poslovanju javnih preduzeća najmanje jednom godišnje.

2.2. Nadzorni odbor

Član 7.

Prilikom imenovanja članova nadzornog odbora primjenjivat će se odredbe Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 34/03) i odredbe Zakona o sukobu interesa u institucijama vlasti Bosne i Hercegovine ("Službeni glasnik BiH", broj 13/02).

Član 8.

Pored nadležnosti utvrđenih u Zakonu o privrednim društvima nadzorni odbor ima i sljedeće nadležnosti:

- a) nadzire rad uprave;
- b) priprema poslovničke i predlaže ih skupštini;
- c) priprema etički kodeksi i predlaže ga skupštini;
- d) vrši izbor kandidata odbora za reviziju i podnosi prijedlog za njegovo imenovanje skupštini;
- e) razmatra provedbeni propis za postupak nabavke i nadzire njegovo provođenje;
- f) daje mišljenje skupštini o prijedlogu uprave za raspodjelu profita;
- g) imenuje i razrješava članove uprave u skladu sa postupcima utvrđenim u poslovniku odnosno poslovcima te važećim propisima;
- h) daje ovlaštenja za aktivnosti koje su ograničene na osnovu odredaba ovog Zakona;
- i) daje upute direktoru za provođenje uvidaja u vezi sa uočenim nepravilnostima.

Član 9.

(1) Nadzorni odbor sastoji se od najmanje tri člana.

(2) Jedno mjesto u nadzornom odboru pripada kandidatu sa najvećim brojem glasova iz skupštine koji je bio kandidiran od dioničara sa najmanje 5% dionica sa pravom glasa.

Član 10.

(1) Vršenje neposrednog nadzora nad provođenjem pojedinih odredaba iz člana 19. ovog Zakona predsjednik nadzornog odbora može povjeriti jednom od članova tog organa.

(2) U slučaju iz stava 1. ovog člana predsjednik nadzornog odbora je solidarno odgovoran sa članom nadzornog odbora kojem je povjeran takav zadatak za izvršenje tog zadatka.

2.3. Uprava

Član 11.

Pored nadležnosti utvrđenih u Zakonu o privrednim društvima uprava je nadležna i za:

- a) izvještavanje nadzornog odbora na zahtjev nadzornog odbora;
- b) provedbu etičkog kodeksa;
- c) izradu i nadgledanje realizacije planova poslovanja;
- d) izradu provedbenih propisa za postupak nabavki i provedbu važećih zakona i propisa o postupku nabavki;
- e) pripremu prijedloga o raspodjeli profita;
- f) zapošljavanje i otpuštanje zaposlenika u skladu sa postupcima utvrđenim u poslovniku ili poslovcima te važećim zakonima.

Član 12.

Upravu bira nadzorni odbor većinom glasova na osnovu javnog konkursa iz reda kandidata koji po menadžerskim znanjima i iskustvu najbolje odgovaraju za izvršenje operativnih i poslovnih potreba javnog preduzeća. U upravu ne mogu biti imenovana lica koja vrše funkciju u političkim strankama.

Član 13.

(1) Direktor i izvršni direktori javnog preduzeća podliježu dužnostima, odgovornošćima i ograničenjima koja su utvrđena ovim Zakonom.

(2) Vršenje neposrednog nadzora nad provođenjem pojedinih odredaba iz člana 19. ovog Zakona direktor može povjeriti izvršnom direktoru.

(3) U slučaju iz stava 2. ovog člana direktor je solidarno odgovoran sa izvršnim direktorom za izvršenje povjerenog zadatka.

2.4. Opće dužnosti

Član 14.

Sukob interesa

(1) Povezano lice dužno je izbjegavati stvarne ili očigledne sukobe interesa sa javnim preduzećem u ličnim ili profesionalnim odnosima.

(2) Sukob interesa javlja se kada lični, odnosno profesionalni interes povezanog lica onemogućava, eventualno može onemogućiti ili interes, ili poslovanje javnog preduzeća ili sposobnost povezanog lica da ispunjava svoje obaveze i odgovornosti.

(3) Povezano lice dužno je omogućiti uvid upravi ili nadzornom odboru ili drugom nadzornom organu u sve transakcije ili odnose za koje povezano lice opravdano očekuje da bi mogle dovesti do stvarnog ili očiglednog sukoba interesa sa javnim preduzećem.

(4) Javnom preduzeću, prilikom poslovanja, nije dopušteno da povezanim licima nudi povoljnije uvjete od onih koje nudi drugim licima koja nisu povezana sa javnim preduzećem. U smislu odredbe ovog stava, sljedeća lica se smatraju povezanim licima:

- a) članovi uže porodice povezanih lica do trećeg stepena krvnog srodstva ili tazbine, odnosno lica koja žive u istom domaćinstvu sa povezanim licima;
- b) pravna lica koja raspolažu glasačkim pravima u javnom preduzeću;
- c) pravna lica u kojima javno preduzeće ima udio od najmanje 10% od ukupne sume glasačkih prava;
- d) pravna lica u kojima javno preduzeće ima najmanje 10% dionica sa pravom glasa;
- e) pravna lica u kojima je povezano lice ili članovi uže porodice, član nadzornog odbora ili uprave.

(5) Ako bilo koje povezano lice zna ili je moralo znati da je neko drugo povezano lice djelovalo u suprotnosti sa odredbama ovog člana to povezano lice je o tome dužno odmah obavijestiti